

#812·81
2734
7



978785

44418

44418

魏叔子文集外篇書目

第六卷

答蔡生書

上郭天門老師書

與孫無言書

答李作謀書

答翟韓城書

復曹九竿書

與宗子發論未葬不變服書



與宗子發第二書

與周青士書

答友人論選文統書

與諸子世傑論文書

寄門人賴韋書

魏叔子文集

卷六 書目

一

答施愚山侍讀書

寄兄弟書

與汪魏美書

論傳誌書

答周左軍書

再答周左軍

寄兒子世侃



魏叔子文集外篇卷之六

書

寧都魏禧冰叔著 諸子世傑興士編次

○答蔡生書

門下懇懇問古文之學意良善其言曰文章之道必先立本本豐則末茂僕覽此慨然有大哉之歎今日留意古學不數人立本以學古未一二得向門下開說詳至然此皆本中之末非本中之本文章之本必先正性情治行諛使吾之身不背於忠孝信義則發

魏叔子文集

書

卷六

答蔡一

一

之言者必篤實而可傳昌黎所謂仁義之人其言藹如也黃魯直與洪甥駒父書根本之說最爲真切其與徐師川論孫思邈瞻大心小語僕讀之數年玩繹不能已其次則考古論今毅然自見識力窺人之所不及窺言人之所不敢言軌於義理而無隱怪之失如此則本立矣於是博觀史傳以極古今人情事物之變讀古人書卓然成一家言者以辨文章之體或綜其要會自立機軸不必求合古人或資學所近誦而法者一人冥心以求其合則惟人之所自處也

僕嘗言曰文章之變於今已無能離古人而自創
一格者獨識力卓越庶足與一人相曾益是故言不
關於世道識不越於庸衆則雖有奇文可以無作識
定則求其暢所謂了然於手口也暢則求其健不簡
不鍊則氣膚格弱不足以經遠三者既立而欲進求
古人之精微窮其變化則學至而後知之僕於古學
游其籥籥未登其堂戶家姊婿邱邦士精思高悟能
自立規矩僕嘗從學受益爲多又古人自道爲學之
法如昌黎老泉不可殫述僕不能勦衍陳言以塞門
魏叔子文集 卷六 答蔡二 二

下之問惟舉僕所嘗自盡者告之門下誠能自豐其
本及乎斐然成章則當就學於邱先生以盡其法僕
不足再問已

弟和公曰有本之論作文者最可持循○文字葆
光剗采健質中妙有雋永

○○○上郭天門老師書

丙午四月旣望門下士魏禧九頓首奉書天門夫子座下禧贛州寧都之賤士也崇禎壬午之役先生較士江右拔第五人誥朝謁謝先生置第一人勿問特召禧前曰往歲直指觀風可李列子第二等余拔而置之第一遂口誦首題文十數語曰大破格例非塲屋所宜又誦次題文數十語曰此決科才也勉之無怠夫士遇知己蒙拔識亦其常耳獨當時先生守嶺北去較士之日幾二載猶口誦其文指其失而獎勸

魏叔子文集書

卷六 郭天門

三

射三路

敘述開情

如江河安

流北暮歎

灑

其美雖父之愛子當不過是以感激銘於肺腑思得尺寸之效以報知遇乃不二年而有甲申之禍馴至乙丙東南益烈禧亦遂棄帖括竄伏草土與同志十許人築室金精之第一峰講易讀史蓋二十年于茲矣四方賢者時或惠臨伏聞先生勁節清風老且

彌高

著作雄奇有臨碣

石觀滄海之概禧益自幸得出門下不敢重自菲薄取愧長者壬癸之際私念閉戶自封不可以廣己造大于是毀形急裝南涉江淮東踰吳浙庶幾交天下

之奇士行旅無資北不及燕秦南不得至楚遂反山中又以衣食無聊授徒于建昌之新城因得交湘潭王山長山長才氣俯視一世真楚風也讀了菴集見其與先生往還書禮不覺正襟肅興如對典型乃藉手山長奉書于左右古人有言有文爲不朽今海內狼藉爛漫人有文章卑者誇博矜靡如潘陸謝沈浮藻無質不足言矣高人志士寄情于彭澤之篇發憤于汨羅之賦固可以興頑懦垂金石禮竊以爲非其至也文之至者當如稻粱可以食天下之飢布帛可以衣天下之寒下爲來學所稟承上爲興王所取法則一立言之間而德與功已具然禮以爲傳之以文者猶不若傳之以人邵子曰人百二十年之物故人壽有盡而以人傳人則無盡

今夫寒食死灰不能熱鳴鷄之羽然人得以除冥而熟食者火藏于槐柳雖沃竈滅燭終必可得而然昔文中子老死河汾其學得房杜之徒而傳武德貞觀之間仲淹猶有生氣龐德公之隱也從子爲南州冠冕諸葛公每拜牀下其所造就此二人者當必

正意盡矣
又忽入如
庭一段闕
起際補動

蓋天地發
胸中之奇
氣觀其奇
目知其異
人尤難
空堂臨
交士仍歸
亦有

有。道。二。人。遭。逢。昭。烈。則。德。公。可。以。入。鹿。門。而。不。返。故。
日。以。文。為。不。朽。者。猶。非。其。至。也。先。生。抱。道。履。德。二。十。
年。間。所。著。述。之。文。與。所。交。友。造。就。之。士。必。有。偉。論。奇。
人。足。以。振。天。下。之。聾。聵。開。後。世。之。太。乎。者。恨。不。得。
羸。糧。侍。側。一。日。見。而。耳。聞。之。比。年。妄。有。撰。作。已。成。

十。卷。無。由。請。正。謹。錄。雜。詩。文。十。餘。紙。以。見。意。居。常。披。
覽。圖。經。慨。然。洞。庭。瀟。湘。之。勝。及。遊。江。南。見。彭。蠡。具。區。
以。為。了。不。異。人。不。足。以。厭。生。平。觀。水。之。志。故。去。秋。贈。
黃。孝。廉。有。生。不。上。岳。陽。死。不。瞑。雙。日。之。句。他。日。授。經。

魏叔子文集

卷六 郭天明

五

之。暇。倘。得。因。束。脯。之。餘。資。沿。江。泝。漢。泛。洞。庭。稽。天。之。
浸。登。先。生。之。堂。瞻。望。容。貌。讀。其。書。交。其。士。然。後。返。跡。
杜。影。老。死。窮。山。之。中。無。所。復。恨。先。生。錄。士。多。賢。如。禮。
祿。實。不。足。數。故。詳。具。本。末。于。篇。端。亦。使。先。生。知。天。
地。變。革。之。後。數。千。里。之。外。二。十。五。年。之。久。窮。邑。下。里。
尚。有。門。下。士。惓。惓。不。忘。先。生。者。如。此。道。遠。難。致。未。獲。
莊。肅。死。罪。死。罪。

彭躬菴曰偉人偉論此世間有數文字所謂開拓
萬古之心胸者非此等文不足當之

○○與休寧孫無言書

無言足下四方士至廣陵者無不願交無言足下無
貴賤賢愚皆出力左右之垂二十年不倦故聲譽重
于時而足下非有勢利扳附惟好所謂能詩古文者
可不謂賢矣哉天下文章道喪五車之書不足當一
石之弩使公卿貴人皆能好文如足下雖不敢遽謂
其有益于世而詩書之氣自賴以不衰僕愚鄙無似
常以謂文章者士之末節篤行氣矜之士經世之儒
以至一才一藝則莫不可與游而差別輕重之以定
其交其性情氣誼與我爲親者尤必專意一志以爲
終身之宗主然後緩急有所恃而不孤若夫汎愛兼
收可致好士之譽而平居不得聞吾過以進德徙義
一旦當患難死生則渙然若行路之解攜而去語曰
一介之士必有密友蓋謂此也古之賢宰相莫不以
人才爲急而稱相業者必先度量夫度量不易言世
僅以容德當之非也書曰同律度量衡故曰度者度
也尺中見寸寸中見分蓋分寸井然而不紊量者量
也以升歸斗不見有升以斗歸石不見有斗升斗泯

然無跡也。夫井然不紊而泯然無跡，然後可以兼容。賢不肖而罷，使人托孤寄命之才，與筦庫各奏其效。推而下之士，庶人之交友，亦莫不然。僕往敘足下歸黃山，欲足下于屠沽賈術中物色天下非常之人，其言侗儻而或不切于用，故更以布帛菽粟之言進。夫布帛菽粟，則人之所以自全者也。願足下無忽。

曹秋岳先生曰：川人交友爲經世之要，中有大學問在。勺庭負治安之畧，而於尺牘發之。

其文醇雅，又餘事耳。

○○○答南豐李作謀書

僕生十一二歲卽思求友得交志行純篤者若而人年二十一丁國變則慨然願交奇偉非常之士嗣是友道日廣有若易堂之經術文章程山之理學髫髻天峰之節義以至四方文人奇士僕皆得與游以自陶淑所不及則又皆窺其藩籬未登其堂輿是以碌碌無所成立不敢望諸君子項背然所以恢弘其志氣砥礪其實用者雖不能盡變化其氣質之鄙陋而身受諸君子之教則旣已多矣足下少年英雋有古

魏叔子文集

書

卷六

李作謀

八

今之志旣得程山諸先生爲師友僕所能知能言者足下諒無不聞而足下謙誠懇款致書七八百言自道嚮往之意此誠於僕無當僕亦何能更益足下獨僕生平以朋友爲性命飢渴而十餘年間則尤篤意於少年卓犖之人蓋任天下難事當天下之變非少年血氣雄剛不足勝任而爲塗日長其才與學皆可深造而不足量其所至又僕所交程山易堂二峰之人其長者年踰六十少者亦且四十皆漸就老死終恐不獲得志於天下以自驗其學古人有言曰火盡

而火傳然欲火之不息在於積薪欲志之不滅在於
得人頭者髻峰宋未有先生中風暴卒易堂李咸齋
先生病九日而死僕益用危痛而不意少年卓犖之
人遂得之足下僕年四十有五而無子絕續之間自
有天命然居常不憂身之無後而憂後起者之無人
是以一見足下所論著不勝其拳拳也不得已而欲
有以益足下則亦曰恢宏其志氣砥礪其實用而已
所謂恢宏其志氣者人之患莫大乎自私自吝安於
卑俗而不以古人自期故其下者志在一身一家苟

魏叔子文集

書

卷六

李作謀

九

安於溫飽而上不過謹言慎行取鄉里善人之譽夫
志極其大則安天下而有餘極其小則事父母而不
足何者志氣私吝雖父母兄弟皆視爲吾身以外之
人而不與共其休戚也然使不能砥礪其實用則志
高而無當言大而夸井曰乾饑之任有不得其使者
故必自度吾才之所可成孜孜然博覽古今之故親
明師良友以講求之歷其身於事會盤錯以自試其
能而怵乎日抱處士虛聲之懼然後使之在一職則
必稱爲一事則必成雖身爲守令下逮丞尉委吏而

其利國家濟生民之心則與宰相六卿等僕有志未
逮言之而不能行故欲與足下共相勉而足下年富
力強他日如僕年歲必當十百於僕是故後起者老
死之所待而瞑目者也今天下不乏卓犖之人方其
少年焔焔然若火之始盛既而志衰於嗜欲氣奪於
禍患心亂於飢寒行移於風俗學術壞於師友及至
強立之年則委靡沉溺而向時之志氣燿乎若死灰
之不復然僕願足下毋以小挫而回毋以小得而自
足以必求爲古今有用之人是則僕之所以報足下
者他固不足論已

魏叔子文集

書

卷六 李作謀

一

彭躬庵日至性噴薄而出之切實寬平其分殊處
是西銘一篇着緊文字

邱邦士曰其大論則恢宏其爲論則脆實真博厚
之文

○○○答翟韓城書

己酉五月日禧頓首禧註曰。○博○大○之○宏○妙○戶○開伏草土之日久矣年少善病

二十句見意後益困羸遂謝塲屋又自知錄錄無足舉似公

卿貴人不敢以名姓自通然河潤九里漸濡三百里

執事弭節芝城禧竊得被其篇以愛民為經外上為風教既於姊塔邱邦士

具聞執事好士如飢渴以當世自命所自處處人皆

在化牡驪黃之外願望見顏色自昔至今既念子輿

氏尚友之義則同此天地千里萬里自有偉人傑士

精神氣魄默相感召雖不必聞名姓如執手於一堂

魏叔子文集書卷六韓城十一

之上况必區區謀面然後愉快頃者伏承過聽五千

里遣使辱以書幣惶愧悚息行當整毛啣轡策其駑

鈍以副知己獨是貞疾不瘳頗艱跋履膝下無一尺

之男室有瀕死之婦比年以債食授徒新城去家山

不過四百里亦且儵來忽逝教事不終今歲主人以

鄉試之役又復強而致之語云獸鹿惟薦草而就是

用拜書反幣罪何可言罪何可言噫聞野人憂君之

無食而獻之芹憂君之寒教以曝日其事誠足鄙笑

然意則無惡也禧敢為不急之言以薦於左右禧資

弱才鈍幼習帖括病廢以來始學古文兵農禮樂天
官地理讖緯之學下至醫藥筮卜筭書畫博奕彈琴
歌曲命相射弓擊劍走馬皆不能有毫末之技足自
鳴於人獨好讀史論古人成敗議天下古今之變則
○憂○運○主○○下○即○誰○以○恢○時○用○一○層○德○法○殆○發○藏○
又皆空言無當實事嘗笑謂彭躬庵邱邦士曰吾近
讀留侯武鄉侯傳各有所得二人問所得維何曰於
留侯得善病於武鄉得食少耳然博觀古今成敗則
亦有可言者方今天下休息年和穀豐萬里昇平亦
何有萬分一足以厝意聞之子范子曰夏則資裘冬

魏叔子文集

書

卷六

韓城

十一

則資絺陸則資舟水則資車故書曰惟事事乃其有
備有備無患詩曰雖有絲麻無棄菅蒯雖有姬姜無
棄蕉萃凡百君子莫不代置記曰凡事豫則立天下
之事利害嘗兼故有以豫成亦有以豫敗蟻避水以
徙封水未至而鸛已鳴於垤鵲知來歲大風巢於下
枝風未動而童子探其卵禱竊以爲當今之世豫備
之道有百利而無一害者亦曰求士愛民而已矣屏
○此○發○
絕虛僞躁幽之士而求沈深明達膽決之人則不至
如竇嬰郭解之以容自累愛民而民親之則緩急有

以自保傳曰民保於城城保於德伏聞執事廉清介
義無所求取於民此韓城百萬家之福也執事下七
愛賢亦既篤於其性矣今夫廉者稜角峭厲義勝者
威足以掩其仁古今賢士大夫之所同也天下嘗有
號安富無事井里熙恬而民生日蹙困於徵求死三
於敲扑囚圜爲仁人君子所不忍見聞者故曾子曰
如得其情則哀矜而勿喜糞遂曰治亂民猶治亂繩
不可急也蘇文忠論刑賞忠厚則曰仁可過義不可
過此愚每讀路溫舒尚德緩刑書未嘗不痛心而流
魏叔子文集書卷六韓城 十三

涕也且夫堯舜好生音取五不廢象刑漢文景唐太宗號稱

盛治不能不斷死罪傳曰惟仁人惟能愛人能惡人

擊斷之用亦豈可少然如古人所謂求其生而不得

則殺之之心與生之之功等是故除大慙赦小過持

綱紀禁暴苛束溼薪於胥吏而更弦於細民使百姓

曉然見吾心而實被其澤則近悅遠來戴之如父母

仰之若神明時平則歌頌興於路禱祀延於身存有

故則若手足之捍頭目決千尺之溪於山而注之壑

也古之聖人任天下於一身而托一身於天下及其

有爲則事半而功倍者率此道也嘗讀子張問仁至
信則人任一語以爲君子立身處世不可不豫養其
望養望在於立信立信在於吾之表裏可見於人而
人無所疑此士之出處皆有之出處起處處者之信以不荀利
祿去就不侵然諾爲大出者之信以好士愛民爲大
伏惟執事無書不讀無事不周知而討論之意中所
見當于萬倍於尋常此腐儒小生之言何足一充其
耳然苟當緩急奇謀秘計之所不及施則其言未必
無萬一足用蓋芹曝之說施於肥甘輕煖之日則鄙
魏叔子文集書卷六 韓城 一四

魏叔子文集

書

卷六

韓城

一四

而笑會當飢寒雖王公亦有時可取不審執事其終
以爲野人而吐之也禧於戊子己丑間編次救荒策
一篇居今固無所事或亦所謂代匱之物謹錄一冊
呈覽書外又有絕大意在直是仁愛無已外士郭天門先生書左傳經世叙吾廬記門人
熊養及字說四首以補報書所未盡惟禧學無所短
長稍知執筆爲文李太白嘲魯儒云問以濟時策茫
如墮烟霧無已故終以文章進處士虛聲今古同然
執事卽有以知其不可用矣臨書惶恐

彭躬庵曰爐冶百奇融液變化中有大經權在

○復都昌曹九萃書

往歲遊匡廬於髻山諸子具聞高義欲奉一字未果
卽念天地間自有奇男子吾愛之敬之初不必通姓名
致殷勤也蔡靜子來居然出足下書禧捧讀而喜然
玩其辭旨則何敢當禧少負志壯而無所發不得不
寄之文章夫文章何足道自書契來能言之士不
啻于百家况今所謂言者又皆浮腐雕繪不足自立
禧則益何足云然人之邪正識見之大小明暗志氣
之卑俗與否非文章無由自見禧編次國變後所作
魏叔子文集書

卷六

曹九萃

五

蓋連二
段爲一
段微巧
于位置

成十二卷比刻古論一卷於吳門而未盡今以一帙
奉教足下足下好義于舉世不好之日又激昂慷慨
樂交四方遺俗之士所謂天下文章孰大于是顧儷
而好禧之文章禧又不耻以文章獻足下毋乃兩失
然禧生平竊好左氏之文十年殫心評註具成左傳
經世一書有所謂黑肱辭邑者其論旨與足下約畧
相似敬抄一通附函內足下覽之其亦有當于心抑
或逆億得之者不如其身親閱歷而得之則足下當
有以還教我也禧數遊江淮交其士竊有以見天下

能歛攝人
是二意又
通貫爲一

之人情。夫爲義于始爲之日。患其太銳。銳則奮發無所。顧而禍害隨之。爲義于動而得害之日。患其太蕙。蕙則托于儉德。避難之義。至以好義爲戒。方其銳而無所顧也。輕慮喜事之徒。邀名求利者。轅于其門。雖駑馬之骨。可奉以千金。及其畏蕙。則伯樂牽騏驥。以造于門。拒而不納。是故好義者。貴于能終好士者。貴能擇人。古之名立而身泰者。率是道也。禱于左氏之文。以爲足致實事者。十常七八。故篤好而深嗜。黑肱一篇。亦全豹之一文也。足下稱謂過謙。謹璧謝。

魏叔子文集

書

卷六

曹九萃

夫

洪亭玉曰。就論文中無端帶出大識大議。有鼓歌夷愉如不欲戰之象。是最工于造格運意者。

邱邦士曰。說文字錯綜盡意。又抽說文中兩大意。作後一段文字。與前段爲錯綜用法。極變幻。其文詞高雅。又與勾庭平素之文。精悍雄麗者大是不同。

○與宗子發論未葬不變服書

伏見足下先人未葬免喪而服不除此古人之道足
下行古人之道於今日敬服禮縞有疑者古者葬有
定期士踰月庶人可知喪服小記云久而不葬者惟
主喪者不除又曰三年而後葬者必再祭其祭之間
不同時而除服則古有不得速葬其親者矣疏曰再
祭者練祥之祭兩祭不可同舉亦不可同時除服然
則不變服者非止不卽言也必不變其初喪之服喪
禮廢闕久矣三年之內不能行者皆是南方土薄多
蟻水又拘牽形家言爲俗已久或貧不能買地營葬
具動延至十年以外內者顧衰絰如初喪之服禮愚
以爲在今日似爲難行且先王制禮衰麻直絰以物
輿情使不及者勉而至足下旣免喪其能不飲酒食
肉乎不入內乎不大懽笑乎不與慶會賓遊乎假令
飲酒食肉入內懽笑慶會賓遊一一如平人而獨不
變衣冠則文存而實亡也文存實亡徒駭人耳目近
於爲名夫死者以歸土爲安人子所宜日夜竭力不
幸力不能禧愚以爲上之心喪而無服次忍其嗜欲

之篤者一二事以拂性而警勗於心次不衽服采色
與傷伎之戲是亦亡於禮者之禮也。或言喪禮有進
無退故輕不可以反重未葬除服而卽吉及其葬將
吉服乎大不可也以斬衰葬則是退而反重矣竊謂
古者改葬總穀梁傳曰舉下緬也蓋去喪緬遠故舉
其收下者而韓愈于免喪而葬者亦云近代以來事
與古異安能取未葬不變服之例爲之重服又引江
熙言禮天子諸侯易服而葬以爲交於神明不可以
純凶是在喪當葬猶宜易以輕服况既遠而反純凶
魏叔子文集 書 卷六 論變服 一 十八
以葬乎禘恩以爲免喪而葬比改葬之服大祥以上
以本服葬人子之不孝莫大於生不能養死不能葬
人生而不養者少死而不葬不必其不肖者皆是也
足下酷貧仰無所告訴非世俗不葬比然當視其急
如父母之飢不得食如己身陷囹圄而求脫當不在
不變服南昌胡心仲好飲酒其先君子殉義樂平服
除貧不克歸葬心仲乃爲戒既葬而後飲酒蓋若是
者類推而行之其亦可矣禘往居喪無人狀又不能
窮古禮制作之義敢私論於足下惟足下與二三君

子出入俾同庶言且以教禘

王築夫曰人子萬不得已遲葬其親雖情可哀原
而失禮傷心罪何可辭古人有親久不葬痛爲天
地罪人不肯葺屋者故免喪不變服亦所以自致
其大不安之情惟飲酒入內等事告之以稱情稱
物庶乎其至當耳

許甫草曰酌人情所能行然後禮不爲虛設故不
徒貴高論也文亦以惇詳見古

魏叔子文集

書

卷六

論變服三

十七

○○與宗子發第二書

傳曰惟善人能受盡言足下蓋有道之士也禱敢盡
言以終不葬之說人所貴乎有子生而養死而葬其
事切於行道揚名使生不得養死不得葬害與無子
等然生不養者父母或能致力以自養死而葬則必
有待于子矣孟子曰養生者不足以當大事惟送死
可以當大事子於父母一體也孫於祖少間矣子不
葬父母而冀孫葬其祖則惑也足下貧無所稱貸不
葬誠不足責竊見足下性忱爽雖甚貧朋友往來乾
餽之禮不廢於人之困或錙銖相遺贈此足下過人
處禱竊以足下之失卽在此足下誠視親之未葬如
前書所云父母飢不得食己身在囹圄則一切乾餽
贈遺之節皆可廢而不舉語曰絕利一源用節十倍
三反晝夜用節萬倍今夫兄弟天性也有弟死家富
而不葬者必不仁不孝之人無疑也然而古之賢人
有行之者張子房是已子房弟死不葬以求報韓子
房所汲汲者君之事祖父之志弟雖親愛不得比君
祖父古人堅忍峭刻以成其必欲爲之志往往如此

故所欲無不成。足下誠葬親比於報韓乾餼之禮。急人之困。此於不葬弟則足下先人之葬當必有日。然足下非緩視之也。足下意以葬親費重。乾餼贈遺費小。雖損絕徒傷人情。無濟於事。是又不然。孟子曰：七年之病求三年之艾。苟爲不畜。終身不得。是故月計之不足。歲計之有餘。一歲計之不足。歲歲計之有餘。

足下誠置撲滿

於側。將爲乾餼乎。度幾何費。則取而貯之。將爲贈遺

魏叔子文集

書

卷六

宗二

三一

乎。度幾何費。則取而貯之。歲終出所貯。不以營衣破米薪。不以償宿責。舉授於人。以爲母而薄徵其子。至於葬之費。半具矣。然後請乞於義人。必有能贈遺足下。及暫假貸以足其半者。如此。然後足下可以告無罪於父母。而變服不變服。又皆不足論。足下樂聞過。能受盡言。書曰：非知之艱。行之惟艱。王忱不艱樂。而不行。其去拒諫也。蓋無幾。足下年及始衰。不可長恃。無事季世。多亂少治。兵火之動。非出慮表。萬有一不幸。足下生見父母。楸柑罹慘酷。何以爲心。又或溘然。

身先朝露。妻弱子幼。易箠之際。痛悔於心。而不可爲。負罪終天。銜恨黃泉。當復何如也。伏惟足下。矯俗抑情。行一切之禁。以成大事。毋爲有道善人之累。禱附朋友。未與有釋。負臨書惶悚。

李礪因曰。意思痛切。沈着而行。文縱橫揮灑。能使賢愚豁然。此真仁人之心。智者之言也。余生生日。不爲責善。空言不爲難行。高論趙延壽論晉兵畢。仲游論新法。卽律楚材論江南。正得此意。叔子之文。凡坐言起行者。類如

魏叔子文集

卷六

宗三

三二

此

○○○與周青士書

禧白青士足下僕前同沈進之往乍浦觀海中日出
遂因周雲球交李潛夫先生潛夫名天植崇禎癸酉
登賢書今年八十二矣甲申乙酉以來禿頂披緇衣
二十七年不見人家奇貧無子又病疝氣不能二三
百步行久坐下墜嘗日仰臥讀書門無三尺之僮廚
無嬰婢獨老妻在室頽然相對無所得食亦已明矣
方僕往見自漿跣執杯茗不能具飯飯客雲球移酒
一壺四簋一盃飯來就得竟兩三時坐潛夫耳聾於

魏叔子文集

書

卷六

青士一

十三

粉版作教使客以墨筆書所言相酬答語僕云身僻
處海濱無知識天下豪賢因問此交游得幾何人僕
乃疏先後諸君子姓字版上及自道出處潛夫輒視
子而泣又出所著作令僕觀覽嗟乎古書傳所稱高
士以苦節爲可貞吾黨讀書恨不生與同時得解推
衣食爲榮幸今親見斯人飢餓瀕死亡無以相救恤
則亦傷已家居常應人索書僅有筆二枝墨寸餘皆
苦惡不堪用僕檢篋中得二枝筆已磨墨一片貽之
奉鈔五錢暫具十日食潛夫五反僕曰是非盜蹠樹

也。然後受臨別相拜。灑涕潛夫尤哀。曰：子還山，吾終古不復見子也矣。僕出門，惆悵頻頻回首望之。門闔然後去。既念潛夫老病，旬死且暮，事耳決不得殯葬。僕隔四千里，今又無能贈，乃以屬卷圖曹先生。先生曰：諾。而屬進之于雲球處，候平安。抑古人有言：椎牛而祭，不如雞豚之逮親存此。豈獨人子情然哉？戚屬朋友皆然謀其死，不若先謀其生也。頃酒間語及曹先生，暨足下慨然作悲敬欲聯數同志爲挨月，供使高士夫婦不轉溝壑。僕直下感激如餓得飽，明日僕之靈巖候繼公病便，往造徐昭法，匆匆刺舟未竟，斯緒伏念貧士中負古誼，不憚勞苦，求請以益于人者，非足下誰屬？僕重足下非特以能詩古文已，願足下力肩曹先生首倡，率必多應者。費度每月米五斗，銀五錢。人占一月，周乃復始，力不贍者或月二三人占之。俟其考終，則應一月者出銀一兩，斲木壘土，便足供殯葬。自古高人志士，人之所仰，天心所愛惜，而彼方困躓飢寒，不能自聊，非必命數適然，又非才力拙不足自養，彼蓋有所不爲，擇而蹈之，以至是，然必欲

護○惜○安○全○之○者○則○又○天○之○心○人○情○之○不○可○解○也○悲○夫○
潛○夫○先○生○身○爲○孝○廉○三○十○九○年○使○肯○挾○其○才○于○當○世○
何○必○不○富○貴○肯○妄○求○取○豈○無○故○蓄○仕○宦○足○給○其○欲○亦○
何○至○貧○困○如○此○老○且○死○而○不○悔○也○雲○球○與○潛○夫○望○衡○
而○居○乍○浦○去○平○湖○不○三○十○里○士○君○子○必○知○潛○夫○當○有○
同○斯○謀○者○足○下○幸○抄○此○書○一○通○托○進○之○寄○雲○球○僕○不○
及○更○作○潛○夫○古○之○難○衣○食○者○然○吾○輩○設○誠○將○以○禮○敬○
亦○有○可○受○之○道○辛○亥○九○月○日○太○湖○舟○中○禱○拜○白○

巢端明曰意極沈痛而出以婉轉淡細之筆但覺

魏叔子文集

書

卷六

青十三

七

至情悠然感人

余訪徐昭法山中索示近作見此書昭法曰君意
良厚恐李先生不食他食君子愛人以德君力所
不及聽其餓死可也頃沈進之來云周雲球致予
此意李先生堅謝之而先生亦于今三月棄人間
矣予且痛且愧真淺之爲丈夫也

壬子七月
月自記

○答友人論選文統書

承惠書推譽僕過當。皇恐又賜佳文。欲僕選入文統。意謂僕寓陳君所。必與選政得率意出入。則甚不然。僕兄弟文向爲鄒程村得之。遂與椒峰選文統中。然兩君皆無一面之識。尺寸之書。未通舊秋。僕自浙過毘陵。與椒峰談相得會。須爲家兄弟刻集。椒峰遂授館舍。至淹旬時。日夜有校讐。僕好朋友又多酬答。初未嘗稍與選事。且是選經始於鄒董龔陳。收功於椒峰。十九已爲成書。辟作室者規模既定。梁木榱棟構。魏叔子文集書卷六文統一。櫨旣架。門材既斲。旣具丹堊。旣陳而拙工顧欲以毀瓦畫墁之能參事。其間豈有是乎。僕荷椒峰謬好。從不敢以自作文一篇。二篇請增入選。此於理固宜。爾僕又竊謂人之爲文本。以言其所學。所學苟成。其言足以行世。則吾文大本旣立。不必問人之選不選也。楊子雲當世而有侯芭。韓昌黎百數十年有穆伯長。其見於天下。或遲或速。要自不可泯沒。蓋觀古人文能傳後世者。當其下筆之始。作者精神已足。擁護於千百年之後。故僕嘗曰。其文能自傳於世。非世之能

傳之茲因報書爲足下一廣其意

蔡九霞曰要言中的使人之好名者爽然自失奮然自立矣

魏叔子文集

書

卷六

文統二

七



魏叔子文集

卷六 文統二

魏叔子文集

○ ○ 與諸子世傑論文書

汝近於古文已得徑路至入門庭窺堂室則視學所至耳汝勇於學吾文亦要知吾文所不工處吾少小時文遂術增熟稍一放手時弱之調便涿筆下又天姿短不能多讀古書讀輒就遺忘以故踈薄不能博洽出入不窮又不曉星緯九州形勢聲律飛走植潛之性不能情狀物審若不爾則吾文當更磅礴也吾好窮古今治亂得失長議論吾文集頗工論策吾每謂文字古人格調已盡無復更有唐宋大家率皆割

魏叔子文集

書

卷六

世傑一

天

取其瑜特出意煎烹登俎成味譬猶蜂采百花爲蜜。妻。生。聚。五。侯。之。饌。爲。饈。然。如。蘇。氏。父。子。論。則。古。當。不。有。是。不。謂。開。創。殊。不。可。得。吾。諸。論。亦。私。自。謂。蘇。氏。後。恐。無。其。偶。吾。策。文。田。制。封。建。奄。宦。等。文。不。立。規。格。汨。汨。浩。浩。雖。文。采。不。逮。趙。賈。亦。竊。希。賈。長。沙。李。忠。定。其。他。文。工。拙。雜。呈。有。學。不。足。學。汝。當。以。古。人。分。別。之。吾。成。集。不。能。多。汰。故。吾。前。叙。宗。子。發。言。文。章。要。在。積。理。吾。所。見。地。如。是。非。曰。能。至。日。錄。是。吾。積。理。之。書。後。輩。足。可。玩。味。要。如。饗。人。數。家。珍。先。代。留。遺。不。無。好。玩。而。

瓦釜脚折鑄亦充十指所伸屈吾少好左傳蘇老泉
中年稍涉他氏然文無專嗜惟擇吾所雅愛賞者至
於作文則切不喜學何人人何篇目故文成都無專
似孔子所謂不入於室意當在是耶汝學文須學古
人文不當以古人子孫爲祖父然同時人情事相比
近吾可得知用意力處艱難所在如見大臣劉樸易
爲工巧吾吮毫久不就就了不異人或苦繁多求清
省無處又當轉收左右礙滯計乃無所出譬猶誤上
峻石臨浪沸之水面白筋弛慄不得下見能者掉臂

魏漢子文集

書

卷六

世傑二

于五

引足武之所希皆有尺寸方法達於平地豈不遂暢
故學今人文有功速於古何以以此也便不當視今
人爲準的則子孫之說吾又故言之舟中日視吾兄
論文數十則最得大意其天姿高乃都於近人近情
處故爲特妙吾前後與陳元孝論文及他書論中汝
采掇附之與兄弟共觀習令不勝人亦成吾一門之
學初八日舟泊三墩隔會城數百步阻風不得上書
此寄汝又因歎文章難到家處亦如此不在多也辛

亥二月叔父書

胡心仲曰凌碎斷續不經意出之其樸拙處
乃益雋永似東漢魏晉人自述之文

通雅
叔子文集

書

卷六

世傑三

三



代益書永贈東漢魏晉人自述之文

我亦曾曰交輯顧辭不勝其出之其亦此

○○寄門人賴韋書

壬子七月禧白前得韋來札具悉規愛念吾體孱欲
省思慮少作文嗇養精神爲生子計甚善吾于文章
竊有嗜好而客外方屬筆墨者日衆勢不得却故甚
欲歸山中自息也抑古人有言有子爲不死有文爲
不朽吾之絕續自有天命吾姑務其不朽者名心難
忘自知出非道不能自絕特欲異于世之爲名妄希
古人立言萬一然自吾得韋也不復知爲無子吾終
已無子得韋已足韋少吾十一歲吾不足生韋然韋

魏叔子文集

書

卷六

賴韋一

三

視吾猶父吾視韋子也不足復讓吾弟子中場嚴生
而友愛爲人淳厚元氣充溢但少有俗見不自拔曾
庠剛直好任氣質不學問新城孔之達長者與人交
篤實然不能與世同憂患九江任安世好義俠多智
吾故以爲莫韋賢也韋有勞而不言施不責報此吾
所宜師法吾向作韋名字說謂韋卽無意當世事當
受寄托爲人依倚韋今頗不謂然宜思所可獨任講
求之功蓋不可怠韋言近以杵臼居市中廢學良爲
歎息古人云學以治生爲急命也然此中要自有學

操術以求什一之利市井之氣不期而中于心鄙諺
有之曰斗米祝歲荒語良足捧腹而走韋平心試一
自付度其去祝荒者幾何數賢者之情與世俗人無
幾異特賢者能杜絕勿使滋遂遂成小人韋誠動意
發事以市道自矜責則真學也然勿以爲易吾不樂
近貴人恥爲世之名士客外久交游日起聞貴人之
譽頗自意得前和公來傳躬菴先生語謂吾家信中
姝沾沾非有道之氣吾聞之失色塞嘿

凡不憚者旬有餘日嗟乎吾向言邱邦士先生韓城

魏叔子文集

書

卷六

雜草二

三

還書平澹多旨都無一二高論而寵譽泊然非有道
之士不能爲然則吾非見不逮也習俗移人賢者不
免况吾本非賢其不移我也幾何哉吾平生不如人
甚多所此其一節矣吾故淡願韋勿復以爲易也吾
在外不通干謁

客揚州吳門幾二年不

能束裝歸然篤行奇偉之士交頗不乏人他日足爲
山中人道者此耳吾去冬干揚州買一婢身間垂一
年抱子之信殊不有姑聽之無所庸心知相關切爲
道及小春和暢當得到家爲一道此二年間事也

禱白

徐禎起曰字字曲折沈鬱讀之但覺淡情百倍此
不當作文字看而已為天下至文矣

魏叔子文集

書

卷六

雜著三

三



不贊前文字體

倉前或曰字



○○又與汪戶部書

壬子十月日禧頓首僕於當世文少所推服獨見閣下文而喜往者冒昧奉書欲有所商畧閣下顧不以未同之言爲罪兩次相見益得聞所未聞僕於能文士私心汲汲惟恐其不登古之作者蓋吾不能而當吾世有人能之庶不使古人專美吾亦可以漸被其益此僕夙昔之愚也聞者不察謬謂僕與閣下蹈文人相傾之習大不然矣僕用是刻前書就正海內試覽僕所與人往還論文書固有推服如閣下者乎今魏叔子文集書卷六又汪一三四

天下名文如林大抵皆欲微多陸清河告平原曰文欲多體適不清又曰張公父子惟以清省見長在六朝時人猶識此義故僕嘗語人汪鈍翁得古人之簡用能俛視一切而碑版敘事之文則閣下尤工比者僕不自揣量謬受蔡君九霞之請爲尊忠襄公立傳僕服膺忠襄爲王文成後一人乃真道學真宰相也語在前後論贊中而鄙意欲詳悉鄭重以明公儒者之用使後世可法而見諸行事遂忘其冗長至五六千言往僕在山中成一文必徧視兄弟朋友攻刺旣

畢屢易其稿踰年然後繕錄入集今客外旣遠畏友
一二知交又不肯盡言主人請屬文者往往欲附集
中便爲流布是以今日脫稿而明日登木荒謬苟且
閣○下○心○知○其○非○久○矣○然○他○雜○文○得○失○亦○不○足○道○惟○忠
襄公關係三百年之人其傳宜使整齊流示後世古
人云人不能自見其骨惟明鏡能見之閣下今之明
鏡也又閣下方侃侃持直道其何所吝鉞破於僕謹
繕寫一通奉覽僕生平無他長惟能虛心以受師友
之教卽文章小技偶經指摘往往就板剗削今刻集
魏叔子文集書卷六又汪二

中行墨多空此其徵也僕束裝屈行矣倘得請問半
日瑣細推駁之加以刪定則先賢之幸也僕亦附有
榮焉禱再拜

會庭聞曰只就本分語懇款道出絕不賣弄學問
但覺學問之氣迎人

邱邦士曰寫虛公之意靄然如春烟之裊長溪面
獨於忠襄公傳留連委注尤與此意映帶而出矣

○答施愚山侍讀書

已未五月朔日禧伏枕山中得奉戊午長至手書暨
大刻數帙鼓舞慚愧何如何如往執事監司臨吉廉
仁之聲暢于鄰郡又聞躬自講學會者千人禮樂雍
容爲近世所未嘗有易堂諸子心竊嚮往而短垣不
可踰越歎息企踵望風慨然嗣桐城方密之先生郵
致手札敝邑羅山人傳口語禧雖未獲一望顏色聆
察至論私心感激何日忘之因報汪舟次書畧道傳
人傳文之故屬其轉致鄙私未知遂達否今具刻拙
魏叔子文集序卷六答施一
集中執事論人必先器識文必先根柢此古人所以
可傳者舉世好文之士不察也執事書中論議往往
先得我心而立身爲文本末具見於此執事爲人廉
靜仁厚徵于服官家食之日禧又得讀執事文簡潔
而雅醇意思深長與古法會望而知爲有道者之言
嘗同兄弟省覽他刻卷首敘論累牘連篇覆其姓名
忽得爽心之作搔頭吟哦驚喜不定視之則必執事
也故禧平日最稱道執事之文比云今之名家清真
自放而波瀾不凋光焰不長則固見垣之視矣夫才

士稍涉韓蘇未不能是者顧強出議論以爲波瀾
掇拾文藻爲光燄且夫大海之濶無風自生火之炎
上虛明而無物蓋水足于精則波瀾不窮火足于神
故光燭物有不知其然而然者然不可強而有者則
未始不可學而至愚嘗以謂爲文之道欲卓然自立
于天下在于積理而練識積理之說見應敘宗子發
文所謂練識者博學于文而知理之要練于物務識
時之所宜理得其要則言不煩而躬行可踐識時宜
則不爲高論見諸行事而有功是故好奇異以爲文

魏叔子文集

序

卷六

答施二

七

非真奇也至平至實之中狂生小儒皆有所不能道
是則天下之至奇已故鍊識如鍊金金百鍊則雜氣
盡而精光發善爲文者有所不必命之題有不屑言
之理譬猶治水者沮洳去則波流大熱火者穢雜除
而光明盛也是故至醇而不流于弱至清而不流于
薄也禱頻年客外賣文以爲耕耘求取猝應之文動
多違心主人利于流布輒復登披捫心自忖其不逮
已之所言蓋十而八九矣惟執事有以知其然也若
夫性理之學禱生平疎于治經儒先之書間一瀏覽

未嘗專意詩索而嗜欲深重。所謂耳目之于聲色。口
于味。四肢于安逸者。皆不能自克治其氣質。又性疾
僞。儒每耻言行背馳。是以粗有撰述。皆不敢依附程
朱。謬爲精微之論。自甘暴棄。固宜見絕于大君子矣。
何日維舟敬亭之下。洗滌腸胃。敬求提撕。得聞所爲
上焉者。則死且不朽。狂言無緒。暢率胸臆。奉答知己。
伏惟執事寬其罪。且還教之林。確齋昨歲已作古人。
彭躬庵遠游齊豫。近方得信。邱邦士授經他山。頗病
風。盞易堂諸子。希如晨星。不勝俯仰之感。况海內知
魏叔子文集序
卷六 答施三
三
舊零落。疆半古。人所未免有情。誰能遣此者。不禁
低頭歎息也。承詢及并報。

彭躬庵曰論文一段精要深潤可爲文家金丹

○○○寄兄弟書

別兄歲又八月弟亦十月不相見此間竝八九月不得家信未曉兄弟行止及家中人安善念兄嶺外兀兀世微歸過期不至恐屬有何事夜來率不天明醒日晚望山門闔乃罷久又自解譬客中一身都應萬慮不關也出門無一事可說日轉窮山中辟兵所住僧屋先後十有一處然出門時非意能有事三年中江閩蠶起百姓流離死轉殆百萬不盡數吾高居翠微峯目不見奔竄事何況困苦勺庭風日清佳花

魏叔子文集

書

卷六

兄弟

三

竹池臺左右映帶讀書游臥兼妻妾奴婢之奉真天上人樂又兄弟並方嶮崎禱獨食飲被服緩帶躑履恐薄祜無兄享受故力疾觸暑經營他出聊觀時故亦稍自勞苦希同患之情以消清福折災凶耳初出家門路頗難絕筍輿處曾接日行九十里趾腫脛骨跛是平生未貫也乃後轉徙頗有主人今住菴老壯僧兩個多空屋潔敞門外左右山翼抱微似勺庭直五六百步翠屏橫立杉松大萬積翠色日日出雲有王生從學古文甚勤日相問難說奇賞處惜兒輩不

在數年來此三月讀書爲多亦健作文菴在萬山中
五里先後無人家雞鳴狗吠之聲不至王生時家去
兩僧日黑上牀吾備奴燈上放頭便睡禧嘗夜獨坐
至四五十刻一燈晃晃萬籟寂寥高誦秦漢人文字
遂谷流泉若相響答時亦有虎叫鹿啼曹子桓言年
壽有時盡榮樂止乎其身二者必至之常期未若文
章之無窮禧性好文又傷年紀摧頽功名不立于天
下後顧子然終不有子孫行踐東阿所歎墳土未乾
而身名並滅者轉思自效不爲倦厭吾兄弟並以文
章知名弟家牽外事卽席不煖兄好開多繙群碎書
禧謂宜以時進業也人一日不學問則膽寫胸間宿
意文不新鮮此非必措拾事故翦辭綴調用所日新
得但多讀古人書便自沈浸變換發生不窮如春春
花葉木著故樹入人眼目輒增鮮妍然禧亦自矢假
我六年及七十四甲子便當絕筆不復作文優游歌
嘯翠微之上以待盡耳此番歸後亦絕不出遠吾兄
弟年迫五十六十詩曰相彼雨雪先集維霰死喪無
日無幾相見禧須白齒鬢霰亦已甚攬鏡自照殊懷

悽愴近爲蕭小翻叙五十云孟昉小翻兄弟二人孟
交游滿天下使天下賢聖豪傑更萬輩欲于其中擇
一人焉增之爲三則萬萬不可得在吾兄弟豈復有
四此往非大不已終當年歲連首接膝以怡餘年子
瞻獄中寄子由詩曰與君今世爲兄弟再結來生未
了因來生事有無不可知且勿草草放過今世也禱
山居鬱陶輒思一暢生平出門觀覽壯心頓消故一
意讀書且負石田耕耘吳會稍足資生理便爲杜門
計彼中在事人頗因緣文字遙相慇懃特其風氣托
魏叔子文集書
卷六 兄弟三
聖
地泰大吾三十年無所屈于世安能攝衣冠自執各
紙見人乎寧坐困窮山爲後泰也在外舊病幸不作
傲行後頭商作二三日尋愈右臂患處時作痛或因
過抄書比來雖多白須晨醒展席上性如強蟲好自
摸拵髀尻間頗餘肉不似他日削起面色較恬晝
夜看書足自給或者六十當不無也兒輩少壯正好
學問東阿云禽視鳥息終於白首此徒囿牢之養物
吾旣名士猶名爲工爲農農不耒耜工不利作器用
失其業矣前還書相誠謂渠輩恆進銳退速作止不

常要士於學須如餐飯。日有常數。假說因病絕粒。病止須次進食。未有因病廢食。則豈可因事廢學。况面牆倚壁。旋復過日。儕輩談諺了了。昏且甚。不可也。寓山竹筍。大生甚。思家乃今更謀放舡。如纜拽脚下。翠微東西所之。歸早晚皆難逆說。念之惘惘。兄弟順時自愛。毋以客人爲念。丁巳莫春日。廬陵山中。禧白並示兒輩及勺庭門人。

門人王愈融曰。只是客况讀書尋常間。信手添泊。却寫得委委曲曲。層疊錯綜。如入幽巖邃壑。中有

魏叔子文集

書

卷六

兄弟四

呈

高樹平林激湍清澗。使人往復時復。鶻啼猿嘯聽者。悽惻子厚山水諸記。不盡其妙也。

○與杭州汪魏美書

禧閉戶窮山垂二十年恆懼封己自小故欲一游吳越就諸君子以正所學而足下其首願見也及抵杭知足下進退無常不可踪跡竊以自恨乃往見足下令弟日者微聞足下已至湖上意當徂屣過我與足下班草深言追古人桑陰之跡引領數日整咳無聞禧願見之誠結於夢寐亦云至矣顧以常客過之足下則可謂失人禧南州鄙夫本碌碌無足交獨以爲天下有至愚之人日不辨菽麥顧懇懇然走數千里願見於我推其心又非有毫髮求於我雖足下不可謂非愚人中之奇士也而足下終不之見則禧竊所不取也禧行李因人不能久羈敢造次布其情

危習生曰奇氣窮劣勃然難遏

邱邦士曰直辭而曲道之如回

魏美名澗杭州人崇禎己卯舉于鄉國變後獨身游止家人不得其處足不及城市不交游者二十年當路每物色之不可得自爲諸生與人落穆性不好聲華時有汪冷之號癸卯予游湖上魏美旣得書輒走逆旅中相見自是常出就余臥談至雞鳴或更起坐不肯休遂與余爲兄弟交余嘆其熱腸固如是矣自記

○○答友人論傳誌書

承教以鄙爲人所作家傳誌銘不死過情失實之譽
非古人是非褒貶之義伏讀悚息內熱增慚聞之古
史于善惡無所不書墓銘誌則有善无惡蓋緣孝子
之心无錄先過之義而作者又多遽行狀事蹟綴緝
成文是以諛慕之作自唐韓愈已不能無訛蔡雖自
言生平碑版文雅郭有道唯无愧則過情失實勢有
不得不然特古人立言體尚簡質雖不錄過而褒善
者少溢辭其子孫受之以爲榮而不怪今之人纖悉

魏叔子文集

書

卷六

傳誌一

四

畢倫又從而增飾之甚或反其生平之所爲作者有
所簡畧則其子孫怪而不悅其親戚黨友動色張口
以相訾警則亦安得有傳信之文乎至其所不習聞
據狀綴緝者抑又可知禮謬以文章知于人所屬碑
版有出于習見聞者有據狀綴緝者豈能无失如尊
指所云然苟屬己所知則雖爲書美然實斟酌軒輊
必不敢以私交私意大失其情實以欺天而罔人禮
常以謂作文者毋輕毀人一點一畫在上在左右赫
然有鬼神臨之匪惟毀人譽人者其在上下左右亦

赫○然○有○鬼○神○臨○之○。然○而○交○遊○滋○廣○情○面○日○熟○請○托○日○
繁○其○不○能○如○心○以○出○反○之○而○多○愧○者○雖○他○叙○論○亦○時○
有○之○不○獨○傳○誌○爲○然○抑○史○傳○之○作○所○以○紀○善○惡○也○善○
惡○之○人○往○矣○而○必○書○者○所○以○備○法○戒○也○今○曰○某○也○善○
其○善○事○可○爲○法○則○法○之○已○矣○不○必○其○善○果○出○于○某○也○
今○曰○某○也○惡○其○惡○事○可○爲○戒○則○戒○之○已○矣○不○必○其○惡○
果○出○于○某○也○是○故○真○與○偽○之○可○辨○者○不○可○以○不○辨○无○
所○從○辨○者○得○法○戒○之○意○而○存○之○其○名○氏○等○于○莊○列○之○
寓○言○裨○官○小○說○所○稱○道○則○亦○庶○乎○其○不○可○廢○矣○禱○敬○

魏叔子文集

書

卷六

傳誌二

廿

奉教言日慎一日并述所愚以廣來指求質是焉

邱邦士曰自道爲人應求作文字銖兩如畫末及
史傳語遙爲中自首質處作注解也

林確齋曰末論史傳一段此達人之見亦苦心之
至无可奈何之語也雖似作者自爲解嘲然足令
古今讀史人積滯豁然矣

彭中叔曰爲傳誌者解嘲却爲傳誌者發澆肖

○答周左軍書

伏惟明公以文武之才藩屏下郡功成益謙某兄弟
並被容接又于鮑王二生處數垂注問某天質衰羸
義疴三十年不通人禮頃者王生來山尺書先臨溫
厚謙款情文斐然更復賜以青童俾應門有人不致
米中婦聲唐突賓客拜德之厚如何可言惟今天下
民窮士賤無復有能振收之者加以兵事方興黔首
塗炭詩書益不足用然古今治亂之故關係於一二
賤士窮民者正復不小明公虛已而好士輯兵以庇
區區之心乙卯月日

魏父子文集

書

卷六

左軍一

吳

民隱然負東南之望伏惟威德益礪義聲遠播以慰
彭躬庵曰議論處最簡當有體而意中所難言能
使背面並見○以窮民同賤士說最妙掃盡韓蘇
占地步之陋而地步益高

○再答周左軍書

舍弟歸拜手書明公不忘下士如此何以報之紙尾
更辱下問夏蟲語冰此豈有當足以知明公兼聽並
觀真武侯所謂博雅也妙處只在引古絕不曾些子味古人有言惟聖人能不違時
亦不失時又曰識時務者在乎俊傑明公俊傑之領
于國于民其體之熟矣抑聞之敏以有功惠以使人
謙以自尊公以說衆豈獨三軍之事雖治天下可也
腐儒常談聊塞明問秋暑方隆伏惟爲民生自愛

弟和公曰真常談也須看吞吐豁旋另有警切另

魏叔子文集

書卷六 再左一

聖

有洗發處

○○寄兒子世侃書

自出門後三次大病參藥之費計五十金七月光福
一病僅存皮骨攬鏡自照陡然心驚當沈疴時自念
家死客死要有前定然汝母無依汝尚未婚娶成立
不能不動心耳吾垂六十無子立汝爲後吾弟吾弟
婦陰驅顯率使汝爲吾子然吾兄弟如一身視諸子
子不大異古人于世父叔父並稱父子不稱叔姪卽
今汝爲吾子與未爲子一聞耳況吾兄弟乎吾家世
忠厚徵君積德力善爲鄉里望人吾兄弟少好口語
魏叔子文集書卷六兒子一吳
舌鋒銛利頗以此賈怨謗然未嘗敢行一害人事欺
詐人財敗衆以成私也汝資質略聰明能曉事夫聰
明當用于正親師取友逆歸一路則爲聖賢爲豪傑
事半而功倍若用于不正則達足以長傲飾非助惡
歸于殺身而敗名不然卽用于無益事小若了了稍
長鋒穎消亡一事無成終歸廢物而已吾以家貧負
石田出遊自念老矣欲爲汝營婚娶不以責負相遺
不能家居教汝又去吾廬叔父遠少督責汝母婦人
多姑息之愛吾以此耿耿于心也吾先代來稱素封

者八世至徵君家聲益大吾兄弟以文學爲當路所
禮又肯出氣力爲人故門第雖小在僻邑中嘗若氣
酸族里婚友于汝兄弟輩多禮貌優容其失汝勿以
此爲得意夫吾何德何能于姻族而姻族乃折節包
荒若此吾懼乎有失而肯督之者相倍蓰也吾幼補
諸生長而有聞今碌碌若此汝輩不逮吾不知幾尋
丈敢長傲乎孔子曰後生可畏焉知來者之不如今
也四十五十而無聞焉斯亦不足畏也已吾手所提
抱人今爲祖父者不知凡幾汝童而長壯以老直且
魏叔子文集 書
卷六 兒子二
兗

暮間事吾家五世無六十上人他日思吾言始知之
父母愛子均然婦人尤望其子之孝順汝事母大小
節宜加意溪水泛漲不時當慎出入守先生約束花
源亦可督之習字也庚申八月朔日力疾書於吳門
之桃花塢

門人梁份曰師病新愈信筆作此零星散漫無一
毫爲文字意而文已極周到含蓄凡少年皆當奉
爲著龜不獨訓戒一人已也

政教系



511